

باب عالی حاکمیه و سندیه دائره مخصوصه در

کتابخانه

مراط القلم

۱۳۲۶

خطا:

مسئله که در موافق آثار جدیدیه مع المنزليه قبول اولتور

دين، فلسفه، ادبيات، حقوق و علوم دن باحث هفته لق غزته در

مؤسسه لری: ابوالعلا زین المعابدین - ح. اشرف ادیب

در سعادته نسخه سی ۵۰ پاره در

قیرطه دن مقوا یورو ایله کوندریلیرسه سنوی
۲۰ غروش فضله آلنیر.

تاریخ تأسیسی:

۱۱ نموز ۳۲۴

سنه لکی التی ایلفی

۳۵ ۶۵

۵۰ ۹۰

۵۵ ۱۰۰ غروشدره

در سعادته

ولایاتده

همالک اجنبیه ده

در سعادته پوسته ایله کوندریلیرسه ولایات بدلی اخذ اولتور.

عدد: ۱

۳۲۴ اغستوس ۱۴ پرشنبه ۳۰ شعبان ۳۲۶

برنجی سنه

درس : ۴۶

۱۸ نومبر ، ۲۰۰۴

اعوذ باللہ من الشیطان الرجیم بسم اللہ الرحمن الرحیم

(فَبِمَا رَحْمَةٍ مِنَ اللَّهِ لَنْتَ لَهُمْ وَلَوْ كُنْتَ فَظًا غَلِيظَ الْقَلْبِ لَانْفَضُّوا مِنْ حَوْلِكَ فَاعْفُ عَنْهُمْ وَاسْتَغْفِرْ لَهُمْ وَشَاوِرْهُمْ فِي الْأَمْرِ فَإِذَا عَزَمْتَ فَتَوَكَّلْ عَلَى اللَّهِ إِنَّ اللَّهَ يُحِبُّ الْمُتَوَكِّلِينَ)

الاول الله ، الاخر الله ، الظاهر الله ، الباطن الله . ومن كان في قلبه الله ، فعينه وناصره في الدارين الله .

اول جناب واجب الوجود ، فبإساض الخير والجود اول غاية كل مقصود اولان حضرت الله جل جلاله . وعم نواله ولا اله غيره . . . امين وحى الهى ، سفير جليل سبحانى جناب جبريل امين وساطت عليه ليله . . . اول رازدان علم الغيب ماوحى واول سرور سرائر شناسان رموز واسما حضرت رسول مجتبی سيدنا ابوالقاسم محمد المصطفى عليه وعلى آله واصحابه افضل التحايا افندمن حضرت لرینه انزال بيوردينى قرآن كريمه ، فرقان مبینده ، على الخصرص اشبو آیات جليله سنده بيور بيور لرکه :

[فيما رحمة من الله] ربك ذوالجلالدين اولان الك بيوك بر رحمت سبحانيه ايله ، توفيق صمدانيه سيله ، آنجق بوسايده [لت لهم] - سن اى حبيبم ، اى رسولم غايت لين اولدك . اصحابك ملايتله معامله ايلدك . يتون افعال وجركانك ، بتون معاملاتك لطفكارانه اولدى :

بو آيت جليله احد محاربه سندن صوكر ا شرف نازل اولمشدر . بدايتده مظفريت قزانلش ايكن بعضلى امر رسوله مخالفت ايتديلر . غنيت سوداسنه دوشديلر . سلطان انبيا افندمنك تعين بيوردينى موقعى ترك ايتديلر . عباده بن جبير رضى عنه قومانداسنده الى قدر كانكش بولندينى حالده مهم بر موقعه تعين بيورلمشدى . — بز نه اولور ايسهك اولهلم ؛ سز بوموقعى محافظه ايدك . زنه ار يلياك ! . .

دينلمشدى . صوكر غلبه كامله توجه اينجه صفوف اسلاميه ايله مشركر قارىشدى . آرتق حضرت عبد اللهك معيتنده كيلر ديكلمز اولديلر .

— بو قدر غنيمت اورطهيه چيتمش . بز نيچون طورهم ؟ ديه اكثريسى موقعلرينى براقديلر . دنيا غرضندن ناشى . غنيمتدين حصه آلق ايچون قوشديلر . رسول اكرم افندمن غنائى حربيه مباشر اولانلره ، تعقيب ايدنلره تخصيص بيورور ظن ايتديلر . آداب اسلاميه هنوز اوقدر تقرر اتمه مش ايدى . متبوع ذيشاندى بيوك . هر زمان بيوك . لکن معيتنده بولونانلر اسلامه يكي كيرمشلر . ديكله مديلر . ايلرى كتديلر .

اونك اوزرينه خالد بن وليد — كه او ثاده هنوز دين اسلامي قبول اتمه مش ايدى — آرقه دن كلدى . اوراده قالانلرى شهيد ايتدى . بر چوق كيسه لرله خط رجعتلرينى كسدى . بوزغونلق اولدى . بتون اصحاب داغيلدى . صوكر ا جناب الله كندى قدرتيله خالق العاده بر

صورتده مشر كنده بزقورقو ويردى . ينه قاجديلر . فقط اثنائى انهرامده يتمش قدر اصحاب شهيد اولدى . حضرت جزء افندمن شهداى كرامده داخل در . حضرت پيغمبركده مبارك دندانه شريفى شكست اولدى . واقعا صوكر ا ينه كلديلر . محاربه ينى قزانديلر . فقط رسول اكرم قلبا كنديلرينه منكسر اولدى ، كنديلرينه مخالفت ايتدكلرى ايچون . لکن ينه يوزلرينه اورمدى . محبوب اتمدى . تكدير اتمدى . تبوغ ايتلدى . شيدى الله ثنا ايتديور : — اى حبيب اكرم ! سن بر پيغمبر ذیشان ايكن ، هر وجهله امركه . فرمانكه انقياد لازم ايكن بومعامله ناروايه قارشى ملايتدن آريئادك . جله سنه ملايتله معامله ايلدك . . . بو ايشته اللهك لطفى ، جناب رب جليلك كرمى آثايدير . [ولو كنت فظًا غليظ القلب .] اى حبيبم ! مكارم اخلاق سكا ويرن بيم . رشد وكياستله فوق العاده حساست وشجاعتله . هر درلو مزيات عاليه ايله سنى موصوف قیلان بن الله ذوالجلال ، ناس بوسايده امركه انقياد ايدزلر . هر كسه لابق وجهله ، موقعنه كوره درشت معامله دن مجانبت بيورور . اكر بويله اولماسهك ، فظ اولدك [۱] ، غليظ القلب اولسهك ، درشت سوزلرله قبلرى منكسر ايتسهك . . .

غلظت قلب ايله متصف اولمق . . . بو ، سوء خلقدن كنياه در . غليظ القلب اولور ديمك ، نه قدر صفات ذميه وارسه اجتماع ايدرديمك در . [ابعء القلوب عن الله القلب القاسى]

اكر بالفرض حبيب اكرم سن بويله مكارم اخلاق ايله متصف اولماسهك ، كوكلرى قيرسهك ، اخلاق حيده صاحبي اولماسهك ، كرم وسماحتك اولماسه ، حساست وشجاعتك بولنسه ، هر درلو رويتك ، الله رضاسنه موافق حركانك اولماسه ، معجزه لرینه كونه نرك امتنه بد معامله ايتسهك [لانفضوا من حولك] ، باقازلر كه سن پيغمبرسك . هپسى اطرافندن چكيلرلر . طاغيلرلر . كيدرلرلر .

امر بعثت . . . نه قدر كوچ . اكر بويله اولماسه پيغمبر احكامى تبليغ ايدمن . هر آمره اك برنجى حسن اخلاق لازم . اللهدن احكام كليو . بوى ، بواحكام ربانيه يى امته تبليغ ايدمك . نه قدر بيوك وظيفه . . . نه قدر بيوك بر شرف ! .

بونجه معجزاتى كوش كې پارلامش ايكن ينه حسن معامله يى امر ايتديور .

— سن معجزاتكله تسخير ايدمنسك قلوبى . بويله عاليجاه بر پيغمبر ايكن ؛ اكر فظاظتله ، غلظتله ، بد معامله ايله معامله ايلسهك نفرت ايدزلر سندن . چكيلرلر يانندن . زيرا مرحمت ، شفقت در كوكلرى جلب ايتديرن . لطف وملايتدر توجه قلوبى قزانديران . احكام الهيه يى تبليغ ايچون ، بى آدمى ارشاد ايچون منصوب اولدك . بو عظمت غاييه ايله سنى كوندردم . عالمينه رحمت اوله رق ؛ رحمت على الرحمت اولمق اوزره سنى مكارم اخلاق ايله متصف قيلدم . سن امتك دائما قصورلرينى كورسهك ، لطف وعنايتله معامله ايلسهك ، زيكينى ، فقرايى مساوى طومسهك ،

امر ایدر الله . اللهم امری فرضیت ایجاب ایدر . صاقین غضب
ایمه . بد دعا ایته . دائماً عفو ایله معامله ایله .

(خُذِ الْعَفْوَ وَأْمُرْ بِالْمَعْرُوفِ وَانْهَ عَنِ الْجَاهِلِينَ)

[واستغفرهم] الله قارشی قصور ایدرلر . حقوق الهیه دایر
اطاعتسزلکده بولورلر . بونک ایچونده استغفار ایله ، شفاعت ایله .
بویله قصورلردن ، سیئانیدن امتکی پاک ایتمکه چالیش . . .

کندی حق-وقتی عفو ایله . یعنی اونلر بر برینک حقوقی عفو
ایتسونلر . پیغمبر امر ، امتته امر دیکدر . یعنی پینلرنده حقیرینی
عفو ایتسونلر . حقیرینی باغشلاسونلر .

صوکر ا بونکله تمام اولمور . الله قارشی ده چوق کنهه نری وار .
انک ایچونده استغفار ایله . سن توسط ایت حیدم . توبه کار اولسونلر .
درکاهمه عرض ایله . کندیلرینی نائل غفران ایدر حکم . حق عباد ،
حق الهی نه اولدینی بیلنجه موقعلری ده اعلی اولور .

[وشاورهم فی الامر] سن که بر پیغمبر عالیشانک ، سکا وحی کلیر ،
بتون حقایق علیه ، بتون اسرار لدیه سکا منکشف اولور . لکن
لحکمة بعضاً تأخر ایدر .

اکثریتله دینه متعلق بولور . لکن دنیایه متعلق شیلرده اولور .
رأی رزین پیغمبر هرشی ادراکه کافی . بتون آرای امتک فوقده .
فقط ینه اولیه بیوروور :

— اصحاب اذعانه مشاورت ایت ۱ مذاکره ایله . بتون اموره
مشورتدن آریلمه .

بعضیلری : امر مشورتی حربه دایر شیلره تخصیص ایتیش . لکن
(فی الامر) لفظ عامدر . احادیث شریفه نیک دلالته عمومیتی مشعردر .
انک ایچون بیضاوی مرحوم ، علامه زنجشیری ، امام فخرالدین رازی ،
آلوسی مرحوم اطلاق ترجیح ایدرلر :

بتون اموره امتکله مشورت ایت . رأیلرینی صور . کوکلری اولیه مطمئن
اولور . سکا ده ا زیاده ایصینلر . البت سنک رأیک اونلر رأیلرینک
یوز قات فوقدم .

سلطان انبیانک رأی رزینی مسلم جهان . کونش کی ششمه پاش .
فقط هب بر یره طوبیلا نجه آرا ، حقیقته مقارنت ده ا قولای اولور .
هم امور دنیویده مسؤلیتی اوزرینه آلاز سنک ، هم ده ا زیاده تطیب قلب
ایتمش ، موقعیتی تأمین ایتیش اولور سنک .

بو آیت نازل اولدینی وقت عبده بن عباس حضرتلری امر جلیل
مدکوک حکمتی صور دیلر . رسول اکرم افندمن بیوردیلر که :- [اما والله
ان الله ورسوله لفتیان عننا ولكن الله جماعها رجة لامتی فن استشار منهم
لم یعلم رشداً ومن ترکها لم یدم غیا .] بیلر سنک ، ای امت ، اصحاب !
الله ذوالجلال بکا امر وفرمان بیوروور . امور دنیویده سزکله مشورت
ایدهیم . رأیکزی صوریم . مذاکره ایدیم . اندن صوکر ا بر ایش طوتهیم .
لکن سزده بیلر سنک . حقیقتده میداندهدر . الله ورسولی مشورتدن

یانده کیمسه قلماز . بتون اطرافندن چکیلرلر ایدی . فقط سنک
نظرکده زنکین ، فقیر بردر . مساویدر . حق حضورنده ، شریعت
نظرنده بر طونارسک . جائزینی فدا ایدرلر سنک اوغورنده . بوعدالت ،
بو مساوات ، بو استقامت حرکاتکدر . سنی امتک عندنده معزز ، محترم
قیلان . بو سایده هر درلو توفیقات سبحانییه مظهر اولور سنک .

نه بیوک شی در . بردنمه ده ا بویله اولدی ، خطبه تلاوت ایدرکن
بر جمعه کونی . مدینه یی یکی تشریفلری هنکامده ، اپی مهاجر چو .
غالمشدی . خارجدن کلن ارزاق و ذخیره کافی کله میوردی . فقط
وغلا یوز کوستردی . هر کس دوشونکه باشلادی . تمام خطبه جلیله
قرائتی ائسانده بر قافله کیردی مدینه یه . شام جهنن بر چوق ارزاق
ایله ، ذخیره ایله کلدیلر . مدینه ده فقط وغلا صوک درجه یه کلمشدی .
درت کوزله بکلورلردی . او هنکامه تصادف ایتدی . استقبال ایچون
همان جامعدن طیشاری چیقیدیلر . چونکه آچلق ، ضرورت فوق .
العاده بر درجه ده ایدی ، مضایقه انسانی هر شیئه سوق ایدر . بشریت
ایجابنه تابع اولدی . جله سی طیشاری چیقیدیلر . یالکز اون ایکی
کیشی قالدی . اونه کیلر :

— امان قافله یه کیده لم ، بر آن اول بر شی آله لم . . . یاخود
کورمکله افتخار ایدر جکار . کورمکله متسل اوله جقلر .

(وَإِذَا رَأَوْا تِجَارَةً أَوْ لَهْوًا انفَضُّوا إِلَيْهَا وَتَرَكُوكَ قَائِمًا قُلْ
مَا عِنْدَ اللَّهِ خَيْرٌ مِنَ اللَّهْوِ وَمِنَ التِّجَارَةِ وَاللَّهُ خَيْرُ الرَّازِقِينَ)

اووقت بو آیت کریمه نازل اولدی . صوکر ا کلدیلر ، طوبیلا ندیلر .
رسول اکرم افندمن هیچ برینی توبنچ ایتدی ، تکدیر ایتدی . حالبوکه
قلب شریفلری قدر منکسر اولدی . اونک اوزرینه بو آیت جلیله نازل
اولدی . جناب حق طرفندن توبنچ اولدی . بشریت و ضرورت
سائقه سنجه بویله شیلر اولور . . . جناب حق یالکز حکایه ایتدی :

— اولیه بر تجارت کوررلر سه یاخود ، لهو یاندن برشی اولور سه
قوشارلر . مؤمنلرک شانی می در ؟ سنی آیا قده خطبه او قورکن بر اقیلر ،
طیشاری قوشارلر ، دنیا منفعتی ایچون . حیدم اونلر سویله که چوق
کستاخلق ایتدیلر . خیرالرازقین در الله . رزقیرینی کاروان کثیرمن .
الله کوندیرر . دیلدیکنی مرزوق ایدر .

ایشته اووقت حضرت پیغمبرک یوزندن آکلادیلر . اثر غضب
نایان اولدی . اونک اوزرینه الله اونلری تکدیر ایتدی .

ملائتله حرکت اساسدر . درشت معامله دن مجانبیت لازمدر .
هله عوم ایشنه قارشی ملائمت پک معقول بر حرکتدر . حضرت رسول
اکرم دائماً بویله ملائمتله معامله بیوروورلردی .

صوکر ا : — [فاعف عنهم] — فایله تفریع ایدر — ایدی ای
حیدم اونلرک بو طاقم قصورلرینی ، جله سنی عفوایت . بوندن بویله ده
واقع اوله جق قصورلرینی کورمه . هانی حرمیتسزلکدر ، خصوصاً
محاربه دن قاچق . . . بویله بیوک کوچک کنه اهرک سکا عائد قسمی ،
کندی حقوقنه دایر اولانی طورمه عفوایت .

مستغنی در . مشورت و مذاکره احتیاج یوق . مشاوره دن غنی یز .
اللهك عنایت و کرمیله مشورته احتیاج یوق .

لكن مشورتی نیچون بکا امرایدیور ؟ بالطبع ائمه رحمت ایچون .
یعنی بو بر سبب اوله حق . الی یوم القیامه ائم مشورتله حرکت
ایده جك . مشورت اونلره بر دستور اساسی اوله حق . هرکسه وحی
کلیور سمان . هرکسه جبرائیل قرآن کتیر میور .

خلفای راشدین دورنیدن باشلادی اصول مشورت . حق یونك
ایچون مستقل بر سوره نازل اولمشدی . (شوری) نامیله تسمیه قیلنمشدر .
(وَأَمْرُهُمْ شُورَىٰ بَيْنَهُمْ وَهُمْ رَزَقْنَاهُمْ يَتَفَقَّهُونَ) نظم کریمی
او سوره نك حاوی اولدینی آیات جلیله جله سندندر .

مادامکه (امور عامه ده) دینیور . بتون مسلمنه ، ولو غیر مسلمین
تبعه اولسون ، جیع ناسه شمولی واردر .

هر خصوصده مشورتی التزام ائتمك ... بو ، موافق نفس الامر در .
بونلر بویه یاپارلردی . معلوم مشورت کلمه سی . [شرت العسل] ترکیبندن
اخذ اولنمشدر . ارباب لسان آریلری طاعتوب بال آلدینی وقت
[شرت العسل] دیرلز . بالی یقالادیم . آریدن قورتولدیم . دیمك طاعتلیق
وار مشورته . دیکنلر ایچندن ، زهرلر ایچندن سچیلهرك آلیور .
اصل خلاصه ، زبده . عسل مصفی کبی . حق ، حقیقت نه ایسه او
سچیلهرك . او قدر آرینك تسلطیله ایچنده قالمش . ایشته عرب ، بالی
آلدینی وقت شو ترکیبی قوللانیر : [شرت العسل] الحمد لله موفق
اولدم . زهرلر ایچندن بالی چیقاردیم .

الله بونی ائمه رحمت قیلدی . اللهك رحمتی اولورسه اوندن بیوك
بر نعمت تصور ایدیلر . بو عنایت جلیله یه مظهریت ایچین هر خصوصده
مشاوره یی التزام ائتملی . مشاوره یی قبول ایدنلر هر بر خیره نائل اولورلر .
هرکیم مشاوره یی ترك ایدرسهك هر درلو خذلانه گرفتار اولور .
بو مشاوره نك مناسی اولان حریت ، مساوات ، عدالت یوقی ؟ .
اك بیوك بر نعمت در ، امن وامان در . [نعمتان مغبون فیهما کثیر
من الناس الامن والعافیه] عافیک فوقنده بر نعمت آرامیسك ؟ ایشته
امن وامان .

امتک توجهنه امین اولمازسهك صحتك نه قدری اولور ؟ اونك ایچون
رسول اکرم افندمن عافیتدن اول (امن) ی ذکر ایدیور . امن وامان
نه بیوك شی !! ایشته حریت بودر . ظلمدن ، استبداددن ، هر درلو
اشکنجه دن آزاده اولق . صوکر عافیتی ایکنجی درجه یه براقیور .
بویکی نعمتک قدرینی بیلم . یوسف پادشاهمز حقیقه قرآن
موجبجه حرکت بیوردیلر . رسول اللهك توصیه سی اوزرینه کال ملایمتله
هیچ بر شدت و عنف کوسترمیه رك اثر عالی پیغمبری یه اقتفا ایتدیلر .
واقعا اسبابی وار . فقط اسبابی خلق ایدن اللهدر . کرچه سعی ایدنلر
مشکوردر . اسبابی حاضر لایانلر امت نظرنده محترم . مجمل در . فقط هر شی
اللهك عنایتله در . امت آره سنده جدیتله ، فطانت و کیاستله ، فوق العاده
ناموسیله تمیز ائتمش بر طاقم ارباب حیت پك چوق چالیشدیلر . بالخاصه

او چنجی اردونك بویابده کی مساعی جدیدلری حیرت فزادر . اویقولرینی ،
راحتلرینی ترك ایتدیلر . سلامت عمومیه ایچون کیجیله کوندوزلی
چالیشدیلر . عاقبت الامر موفق اولدیلر . ملی و نلرجه ظلمیدیکانی
قورتازدیلر .

فقط بونی الله یاپدی . مغرور اولماملی یاپانلر . جناب حقك
عظمت کبریاسنی دوشوغلی . اللهی اونوئمه ملی . کندینه کووه عمه ملی .
بو نعمتی اللهدن بیلملی . مسبب حقیقی الله اولدینی هیچ بر زمان
خاطر دن چیقارماملی . پادشاهمزك قلبی یوموشاتان ، غلظت و قسوتدن
محافظه بیوران ، اللهدر . مؤسسلی دخی اللهه بیک شکر ائتملی که
بوامر خیره الله اونلری سبب قیلش . بو قدر افراد آره سنده بو ایشك
حیز حصوله کلمی ایچون اونلری مناسب کورمش . بو ایشك آری
اونلری کورمش . دها طوغروسی بو شرفه اونلری مظهر قیلش .
نه بیوك سعادت ، نه بیوك شرف !! اللهك عنایتی بو ! ای قهرمانلر !
اللهه شکر ایدیکنر !!

ای وطنداشلر ! بزده آلدن کلدیکی قدر شکر ایدلم . یاردیم
ایدلم . شکر نه ایله اولور ؟ کوکنندن (شکر ، شکر) دیمکله اولماز .
آلدن کلن معاوتی دریغ ائتمه ملی . بز بویه شکر ایدرسهك اونعمت
تزاید ایدر . بز آل برلکیله حرکت ایتدیکه ، وسعمنز یتدیکی درجه
معاونتدن کری طور مدقجه ، هرکس حالنه کوره ، زکینلر پاره سیله ،
قهرمانلر قوه بازوسیله ، خطیبلر لسانلریله ، محررلر قلملریله ... هپ
برلکده چالیشرسق بو نعمتی الله تزید ایدر . بتون معناسیله حریتیزی
محافظه ایدرز .

اویله بیورولور : — [لئن شکرتم لازیدنکم] اگر نعمتمه شکر
ایدرسه کز ، ای قوللرم ، بن اونعمتی تزید ایدرم .

نعمت ، نعمت ... اك برنجی نعمت ، عافیتدن بیوك اولان
نعمت ، امن واماندر . بو نعمت عدالت ، بو عطیة الهیه اولان
حریت در ، یعنی هر درلو اسارتدن ، استبداده دن ، مظللمدن ، اذالردن ،
اشکنجه لردن خلاص اولق . اك بیوك نعمت بو . انسانك انسان اولدینی
اونکله بالی اولور . ایسته مدیکنی یاغنه مجبور اولورسه انسان می او ؟
بویه بر حاله کلمشدك . معاذ الله بیوك بیوك فلاکتلر ظهور
ایده جکدی . ایچمزدده ملل غیر مسلمده وار . بونلرک حامیلری ده
وار . اونلر بزم کبی بوش دورمدیلر . عطالتله ، ظلم و استبداده
عاشاتله وقت کچیرمدیلر . اوقودیلر . هرشی آکلا دیلر ، معارفده ،
تجارتده ، صنعتده ، حاصلی هرشیده بز ی کچیلر . بز ظلم ایچنده ،
استبداد طالع لری آراسنده چالقانیوردق . اونلر عدالت ، مساوات ،
حریتی تأسیس ایچون چالیشیوردیلر . بز علی الاکثر حال غفلت
وعطالتده قلوب طورورکن اونلر ، اونلره برابر بتون جیتی مسلمانلر
ایچین ایچین آغلارلردی . بالقانلرده مشورتلر قوریورلر ، بو بیچاره
مظلوملری ، بوزوالی معصوملری ، بوهرشیدن بی خبر ، اسارت
زنجرلری آلتنده ایکله یین قوافل غافله یی ایقاظه ، قورتارمغه سعی وغیرت
ایدیورلردی . هر درلو وسائط پیدا ایتدیلر . طبیعی او اشکنجه دن

قور تولغه چالیشمازی انسان؟ حیوانیتده قالغه کیم راضی اولور؟ استحصالی ممکن ایکن نیچون تشبث ایتسونلر؟ چالیشدیلم. کیملی کوندوزلی چالیشدیلم. اولرینی، چواق چوجقلرینی ترک ایتدیلم. طاغلره چکلدیلم. اللهک عنایتنه التجا ایتدیلم. اسلام، ارمنی، بلغار، روم، موسوی... بتون ملت برلشدی. بتون تعصبات دینه یی بر اقدیلر. بتون منافرت قومیه یی اونوتدیلم. عناصر متباینه دن عنصر واحد تشکیل ایتدیلم. عثمانلی اتحاد و ترقی جمعی «نامیله بیوک برجعت وجوده کتیردیلم. بتون عثمانلی مملکتلرینی صاردیلر. حتی ممالک اجنبیه یه قول آندیلر. مقصد هپ بر: ظلمی قالدیرمق. استبداده خاتمه چکمک. هر یرده معین بولدیلم. هر طرفدن مظاهرت کوردیلر. خیره چالیشانلرک اللهدر حامیسی. مظالمه کوکس کره نلرک اللهدر مظاهری.

بو ظلم واستبداد دنیالری طوتدی. بوانکیزسیونلر مملکتلری خرابه زاره چویردی. بیتوردق. محو اولیوردق. فقط الحمدلله نصرت الهیه یتشدی. قهرمانلر اورتیه آتیلدیلم. رایت حریت بالقانلرده توجیه باشلادی. برنسیم سحر بتون مشام امته حریت قوقولری کتیردی. قلبلر غلیانه کلدی. ظالملر شاشیردی. رؤیا ظن ایتدیلم. یردن انسانلر، کوکدن ملکر هپ برلکده چالیشدیلم. اولملونلرک جله سنی سر نکون ایتدی الله. الحمدلله، ثم الحمدلله.

بو بویله دوام ایده ییدی حاللر نه اولوردی؟ عندالهیده نه قدر مسئول اوله جقدق. بویله حاللری، بویله ظلم واستبدادی اسلامیت شدله تقبیح ایدر. بو استبدادی قالدیرمق ایچون چالشمغه هرکس دیناً مجبوردر. شریعتیز حرینی، عدالتی، مساواتی امر اییدیور. ایچمزه ملل غیر مسلمده وار: ارمنی، روم، بلغار، موسوی... اونلرده بو هیئتدن جزؤدر. اونلر بزه اللهک و دیعه سی در. کندیلرکدن زیاده اونلرک حقوقی محافظه یه چالیشه جفن. ذره قدر رنجیده اولملارینه غیرت ایده جکن. دینیز بویله امر ایدر.

حضرت پیغمبرک صوک نفسده بر قاج توصیه سی وار امته: برنجیسی تبعه غیر مسلمیه یی ظلمدن وقایه در. سلطان انبیا دنیادن تشریفلری هنکامنده اصحابی چاغیردی. اونلره وصیت بیوردی. اک اول ذهنلرینه بونلری یرلشدرملرینی تنبیه بیوردی. ایشه برنجیسی:

[اجبزو الوقور بمثل ما کنت افعل] خارجدن کلن مبعوثلر، ایلیچیلر، برطاق زیارتچیلر. داغلا کورردیکز بن اونلره نصل معامله ایدردم: سزده اوله حرکت ایده جکسکیز. حسن معامله سایه سنده اونلرک بزه قارشى محبتلری آرته جق. قلبلری ایصینه جق. بن نصل معامله اییدیوردم، حسن قبول، کوستریوردم سه سزده صاقین اوندن آیریلماک. کلنلری خورلاماک بتون جهانیه قارشى طوره ماز بر ملت. — خصوصاً بودورده. بتون جهان ترقی ایتمش. فن سایه سنده نلر، نه سلاحلر ایجاد اولمش —

اونک ایچون مناسبات دولیه یی محافظه ایدک، قومشولریکیزله خوش کچنک. نه صورارلرسه جواب ویرک. نه سونلک لازمسه

اوکا کوزه سوبلیک. مناسبات دولیه یی اونوتماک.

صوکرا: تبعه یه صاقین ظلم ایتماک. حقوقی ابطال ایتماک.

نه بیوک دستور! یزم نه قدر حقوق وارسه اونلرده عین حقوقه مالک. روم، بلغار، ارمنی موسوی نه اولورسه اولسون مادام که عهد سلطنتده یاشارلر، آنلری سربست بر اقلی. اونلرک منافعی عین منافعمز، مضرتلری عین مضرتمز. هیچ آیریلماز.

بیوک دقیقه در بو. مضرت کلن شیلردن صاقنک. اونلره کلن مضرت سزده عانددر. جله سنی وقایه ایدک. امانت اولسون سزه. یاقه لریکیزده در الم. اک بیوک خصمی یم اونک، هرکیم بر ذمی یی خورلارسه، حقوقنه تجاوز ایدرسه.

دعک بز اونلری محافظه ایتمزه ک حضرت رسول اکرم دشمنمز اولور. انسان کندی کندی دوشونلی. حضرت پیغمبر نه بیوریور؟ — درلو درلو اشکنجه لره، بیک درلو بدمعامله لره، تجاوزات ملعتکارانه ایله ظلم وغدر ایدنلر اولورسه یارین قیامتده بن خصمی یم اونک.

دوشونلی. پیغمبر دعواچی اولورسه آرتق دنیا ایشنده سلامت قالیری؟ حقیقه اوله بر دوره کلشدک، که دولت علیه همان همان باطیوردی. اوج آی سوزمیه جکدی. روم ایلینک نه حاله کلدیکنی کوریوردق. آوروپا دولتلرینک اجتماعلرینی ایشید بیوردق. بتون او مدهش، اومظم تجسس بلوطی آلتنده ازیلدیکمز حالده یننه بونلری، یزم مملکتلریغزی تقسیم ایچون، بزی اورتهدن قالدیرمق ایچون وقوعبولان ملاقاتلری، جریان ایدن مذاکره لری خبر آلیوردق. بر شی یاپه میوردق. فقط ایچمز چیز چیز چیزلایوردی. یورکلرمنز یانیوردی. دیگر طرفدن داخلی اختلاللر. روم ایلی بر درلو، اناطولی بر درلو. اداره دن هیچ کیمسه ممنون دکل.

معاذاه بونجه سنه ک دولت، ملت معظمه اسلامیه محو و نابود اولمق درجه سنه کلشدی. محققدی محویمز. والله بالله بویله ایدی. مارتی بولمازدی. خزینه مالیه بتدی. مملکتده هر درلو مظالم جاری. اولورمی بویله شیلر؟ دولتلر، انسانیت مقتضاسی اولان حیت ایجابجه حرکت ایتسی لازم کلیرکن سکوت ایتزلر. جله سی بردن هجوم ایتمش، وظیفه لرینی یامیشلر. قرارلر پک قطعی ایدی. اجرا آته همان باشلامق اوزره ایدیلر.

روم ایلینک تقسیمدن صوکرا استانبولدن نه خیر قالیر؟ صوکرا نه مزه کووه نلر؟ او قومه مزمنی وار، صنعتی وار؟

بزی محافظه ایدن شریعت غرای اسلامیه در. هر حرکتی اوکا توفیق ایتسه ک جهانیه مثلی کورولمه مش بر حکومت عادلانه تشکیل ایتمش اولورز. احکام الهیه بتون حقوق بشریه یی کافلدر. حکومت اجرایه مأمورددر. حکومتک وظیفه سی اودر. اسلامیتده حقوق بشریه یه مضر برشی یوقدر. بتون احکامی مزاجه موافق، عدالته مقارن، حرینه مطابق. حکومتک وظیفه سی دکلدر قانون وضع ایتماک. رأس کار حکومتده بولونانلره نیچون (سلطان) دینور؟

اظهار ایدر . بز وظائف عبودیتی بیلسهك ، بحق ایضا ایتسهك او مظالمه دوچار اولمازدق . فقط بزدهده چوق قصور وار . دینزه يك لا قید قالدق . ذوق وسفاهته دالدق . ایش باشلرنده بولونانلر بیلان اولدینسه دیکرلری ده عقرب اولدی . صاغدن ، صولدن ، اشاغیدن ، یوقاریدن ملکی خراب ایتدك .

فقط بو کتله ظلم ، بو کتله سفاهت ارمسندده اولیه جیتپرور قهرمانلر ظهور ایتدی که جهانی حیرتله دوشوردی ، نه حیت ، نه حسیات نجییه ! نه افکار علویه ! مغبوط ملانك اولدیلر . بو قدر مساعی ، بوقدر غیرت هر کسه میسر دکل . بو الهم ربانی . بز او یورکن اونلر اوبومدیلر . وافعا بزده اویومازدق . فقط المزدن برشی کزدی .

اونلر بویله چالشدیلر . بو حسن نیتله اقدام ایتدیلر . جنساب حق ده موفق ایتدی بو اتحاد سایهسندده بوایش اولدی ، بتدی . بوزولوق امکانی یوق آرتق . جمعیت اعتدالی ، ثانیی ، متاسی توصیه ایدر . بوکا توفیق حرکت لازمدر . کورولیور که ایشته جمعیتك بتون وصایای شرعه ، عقله ، حکمته هب موافق شیلردر . اونی دیکله مك لازمدر .

دشمنلر اطرافزده کوزلرنی آچش ، مداخله ایچون برسبب آریورلر . روسیه دوتماسی قره دکزده کزر . یولسز بر حرکتز اولسه نعوذ بالله همان کلدجك . بالطبع کیسه آرزو ایتمز بونی . صوکره آوستریاده بویله . اوده برسبب مداخله آرار .

ایشته برانکلتزه وار که حقیقه بو حریتدن ممنوندر . مداخله یی ارزو ایتمز .

— وارسون ایلیسونلر . کندی کندیلرینه آدم اولسونلر . ترقی ایتسونلر .

بویله دیور ، بو حسن عالی بی بسلور . دیگر طرفدن فرانسه ده اولیه . اونلر ده بو حریتی ممنونیتله تلقی ایدرلر .

لکن روسیه ایله آوستریا ... اونلر بیک درلو انتریکلر ، دسایسلر ، بورشته اتحادی چوروتنه جك خیانتلر اورتیه قویارلر . اه محافظه ایتسون ! اه هرکسك دوشوندیکنی باشنه کتیرسون ! خیر دوشونلری عالی ، شر دوشونلری ذلیل ایلسون ! — آمین !

ایشته او جمعیت اتحاد ، او جیتمندان اهالی بویله موفقیتلرینه مغرور اولمالی . اللهم عنایتندن بیملی .

بربرینهده کیسه تجاوز ایتهملی . ارتق قانونلر تطبیق اولنه جق . اولفظدن عبارت قالان قانونلر حقلی یی ، حقسری آیره جق . احقاق حق ایده جك . هیچ کیسه مراق ایتسون . آثار تلاش کوسترمسون . بز شکر ایدهلم ، لازم کلن معاونتدن کری طور مایهلم ! یقینده مجلس مبعوثان تشکل ایده جك . اووقت هر شیر حل اولونه جق . اورایه ملتک وکیللری طویلانه جقلر . اوراده شخصیت ، اغراض نفسانیه اولماز . اوراسی بر مرکز عدالتدر .

سلطنت اودر . جله آرایه مطابق ، مجله احکانه موافق احکام اولور . حکومت اونلری اجرایه مأمور اولور . مبعوثان ده نظارت ایدر : قانونلر اجرا اولنورمی ، اولونمایورمی ؟ حقسنر معامله وقوع بولیورمی ، بولمایورمی ؟

دیک بتون احکام اساسیه شریعتزده وار . قانون اساسی ده اونك صور اجرایه سنی تأمین ایده جك . اك امین کیسهلر انتخابیه کوز اوکنده ایضا اولنه جق . حقوق عباد ، اوتنه کنك بریکنك ید مستبدانه سنه . تودیع اولونمایه جق . سفینه حکومت مقتدر ، امین الله کچه جك . ان شاء الله یقینده حکومت علیه يك زیاده تعالی ایده جك .

بر مملکتده که افکار عمومی یوق ، داغا بیوکلر کوچکلری آزر ؛ انسان صایلماز اونلر . دولت علیه اوروپا قومیسونلرنده انسان صفتیه آکلزیدی . اك عادی ملتلی مات صایارلردی ، بزنی انسان صایمازلردی . — برایکی کشینك اداره سی آلتنده یاشارلر ، انسان می اونلر . بومی انسانلق ؟

بویله دیرلردی . وکلا مبعوثانه تابع ، قانون اساسی وار . مبعوثان وار . تشکل ایدر . وظیفه سنی یاپار . هرکس مسترخ یاشار . حقوقك محافظه سندن امین . ظلم یوق ، استبداد یوق . انسانلق بویله اولور . راحتنی بیله جك . کوننی ، ساعتی بیله جك . هرکون انکیزیسون واقعنی ایشیدیرسه فصل یاشسون ؟ اولیه دکلی ایدی ؟

پادشاه حضرتلری دها بدایت جلوسندده قانون اساسی یی وضع ایتشدی . فقط صوکره ایشته بعض خائنلر زنجیر کی اطرافنی صاردیلر . بیک درلو تسویلات ، بیک درلو تخویفات ایله قانون اساسینک تطبیقنه مانع اولدیلر . پادشاهمزی اوهام ایچنه باطیر مشلردی ، یوقسه پادشاهک فطانت وکیاستی ، حسیات دیندارانه سی بتون جهانجه مسلم ، مصدقدر . کیسه نك بونده شبهه سی یوقدر . بر فرصت بولونجه ، قارشوسندده بیوک بر قوت ، ایکی اوچیوز بیک کیشیلک مسلح براردو کورونجه همان تطبیقنی فرمان بیوردیلر . آرتق اوخائنلردن فتوری قالمادی . حق قانون اساسینک تمامها محافظه سنه چالیشه جقنی یمینله ، قسم ایله وعد ایتسی حسن نیتنه يك بیوک دلیلدر . بوقدر دیندار بر پادشاه یمینده حانت اولوق احتمالی وارمی ؟ قابل دکل .

بواشارده کندی ده غایت متوحش ایدی . دولت علیه نك انحطاطه بوز طوتدینغی ، باطریق اوزره اولدینغی ، او ارتکابلری ، او خیانتلری هپ کور بیوردی . نه قدر اوزولیوردی . بو حاللردن نه قدر متوحش ایدیوردی . جایه الهیه به التجا ایدیوردی . هر هفته بخاری شریف او قودیوردی . دینی ، اعتقادی بوکا سوق ایدر .

« دینك ، دولت وملتك سلامتی ، خائنلرك مقهوریتی ایچون ... » بخاری یی بویله او قوتدیرردی .

الله اکر بر قومی نائل رفاه ، مظهر سعادت بیورمغی مراد بیورورسه الهام ایدر . بر طاق سبیلر خلق ایدر . بر طاق جیتپرورلر ، قهرمانلر اورتیه چیقاریر . ملتک ترقیسنه ، اسلامیتک تعالیسنه اونلری سبب قیلار . الله بو . بعضاً جلالانی کوستور ، بعضاً جلالی

نهایت نه اولمش ؟.. اوزون اوزادی به حقیق ، جدی برسانله یازیور .
بونلرک صورت حرکاتی دها اوج درت آی مقدم میدانه چیمشدی .
تور حریت لمعانه باشلامشدی . لکن اه خائنلرک غفلتی آرتیودی ..
بونلر اطرافی کوزلجه صانجهیه قدر ، دائره نفوذلرینی اساسی تحکیم
ایندجهیه قدر اوظالملر ایشک حقیقتی اکلایه مدیلر ، اوجیت محترمه
حسن نیتلری سایه سنده مظهر هدایت اولدیلر . توفیق ربانی کنیدیلرینه
رهبر اولدی . هیچ برمانهیه تصادف ایتدیلر . بو ؛ اللهک بیوک
عنایتی ! بو ؛ جناب حقک بیوک لطف و کرمی !
[فلم تقتلوهم ولكن الله قتلهم]

اما اسباب ظاهره بو . الله بر قومی مظهر هدایت ایتک مراد
بیورورسه نلر ؛ نه سبیلر خلق ایدر . جهان حیرتله دوشر . ایشته
بونی بیللی . ظاهرله باطنی جمع ایتلی .

[ایاک نعبد و ایاک نستعین . اهدنا الصراط المستقیم .]

او وقت مأجور اولور انسان . مرضی سجانیه ده بو ؛ موافق .
بویله اولورسه ، بونی اللهک عنایتی بیلیرسه دک اده توفیق سجانیه سنی
تزیید ایدر . بتون شهره ترقی منکشف اولور . یوکسلدکجه یوکسلیرز .
ایشته سلطان انبیایه بویله فرمان کلیرسه مقامنه قائم اولانلر او
امره مجبور دکلی در ؛ الحمد ربم بوحریقی احسان بیوردی . خائنلری
قهر و تدمیر ایتدی . بر باد هدایت بتون استبداد بولوطلرینی سور وکلدی
کتوردی . مملکتلرمن نورلرله ؛ حریت ؛ عدالت ؛ مساوات نورلرله
طولدی . پادشاهمزه بو احسان الهی به شکر گذارد . بوسه ماده
مظهر اولور اولماز همان قسمله بو حریق محافظه چالیشه جقلرینی
بتون جهانه بیلیردیلر . حسن نیت شاهانه لرینی اثبات ایتدیلر . دها
کیم بیلیر نصل استمداد لده بولنوردی . هله بخاری شریفله استمداد
یک بیوک شی در . هر پریشانلغه قارشى بتون محتویات جلیله سنی کیجه
کوندوز اوقوته رق اللهه توجه ایتک . . . البت عاقبتی خیر اولور .
[انما الاعمال بالنیات] کنه اورایه باغلادی . بویله باشلامشدی . بویله
نهایت بوله حق . اراده بردور ظلمت کجی .

دنیا بویله در . فلاکتلردن ، بلالردن صوکر نعمتک قدری بیلیر .
نه ابدی اوظلم ؛ نه ابدی او استبداد ؛ ظلم آرتدقجه آرتدی . برادهیه
کلدی که او حال اوزره یشامه نک امکانی قالمادی . هر درلو تجربه لر
اولدی . نهایت بوبانده اتحاد حاصل اولدی ؛ بو اداره بی بهمه حال
دکیشدیرملی . چونکه باشقه چاره یوق . کوز کوره کوره ایشته
باطیورز . صوک برناله مذبحخانه ابله بتون ملت ؛
— حریت !

دیه فریاد ایتدی . عون الهی یتشدی . بر آن ایچندی شو قراکلق
مملکتلر حریت نورلرله طولدی .

بتون آوروپا دولترلی بونی تقدیر ایتدی . واقعا خوشالانمیلر
وارسده اونلرکده اهمیت یوق .

— اما بورالرینی تقسیمه قالشمشدی اوروپا . نصل اولور شیمدی
بونی تقدیر ایتسون ؟

اونک مقرر ایتدن هرکس ممنون اوله جق در . عدالت یرینی
بولور . غدارلر مستحق اولدقلری جزای کورور .

اللهک ملکندن قاجماز . پنجه ربانیدن قورتولمق اولماز الک بیوک
منتقم اللهدر . مظلوملرک آهی یره دوشمز ، معصوملرک فریادی رد
اولونماز . بو محکمه لک فوقده بر محکمه وار ، که حکمنده ذره قدر
خطا تصور اولونماز . قوه اجرائیه سی وار که لندن قورتولمق ممکن
اولماز . سز صقلماک . شیمدی به قدر نصل هر امور کزده اللهه النجا
ایتدیکز ، اللهه یالواریکز ، کوز یاشلریکزی درکاه الهی به دوکدیکز ؛
ینه بو خط حرکتدن آرتماک . اولمعاونلر نریه قاجسه ینه قهر ربانی
اونلره یتشیر . عظمت الهیه بی ، جلال سبحانی بی دوشونکز . بوردن
قاجقه قورتولدی دینمز . الله دها بیوک بلا حاضر لادی اونلرایچون .
اونلرک ملوث وجودلرینی الله بوملکلمده یشاتماز آرتق . اونلر نریه
کیتشلر کنیدیلرینه مظاهر بوله مازلر . اونلرایچون اوروپاده تأسیس
امکانی یوق . بتون اومتدن دولتر آره سنده اویله ملوث وجودلری
طوپراغنه باصدیره جق ، حکومتی تاریخ انسا ایتده لک ایدیره جک بردولت
اوروپاده یوقدر ، اوله ماز . اونلرایچون آفریقا چوللرندن باشقه ملجأ
یوق . صقلماکیز . یقینده قدرت ربانیه بی ایشیدیر ، کورورسکز .
سزه شیمدی دوشن وظیفه اعتدال ، شکر در ، حضرت ذوالجلاله
شکری هیچ بر دقیقه اونو نمایکز .

— (لئن شکرتم لازیدنکم) بیورولور . الک بیوک نعمته شکر ایدرسه کز

نعم سجانیه بی آرتیورم . . .

شکر قولاً ، فعلاً اولمالی . قلب ایلله نعمتی سومک ، منعی نعمتی
خاطر لده طومق ، کوکلندن محبت باغلامق ، علویتنی اعتقاد ایتک ، لسان
ایله مدح و ستایشده بولمق . . . صکرا اعضاد ایلله معاونت ایتک . نقدا یله
قول ایلله جمعیتک مقاصدینه خدمت ایتک هر درلو تجاوزدن صافمق .
تجاوزکارانه بر حرکت عیاذ بالله محرومیتیزی موجب اولور .

— (و لئن کفرتم ان عذابى لشدید) بنم ویردیکم نعمته کفران
نعمت ایدرسه کز ، سوء استعماله قالدیشرسه کز ، نعمت اولدیغنی تسلیم
ایتمزسه کز ، نعمتی نکیته تحویل یلتیرسه کز والله عذابم شدیددر .
نانکورلردن انتقام آلیرم .

اونک ایچون بونعمتک قدرینی بیللم . شکر ایدلم . معاونت ایدلم ،
منطن دائره سنده حرکت ایدلم . بزده عدالتسزک ایدر ، تجاوزکارانه
بر حرکت تعقیب ایدرسه ک باشقه بر هیئت اصلاحیه کوندرمکدن الله
عاجز دکلددر . نعمتی نکیته تحویل ایتیمه لم بوللر آچیلدی . هپ بر لکده
جنس و مذهب تفریق ایتیمه رک بویولده یورویه لم . بوصراط مستقیم
تعقیب ایدلم .

شیمدی کله لم بوجیت اتحادیه نک خدمتلرینه فی الحقیقه خدمتلری
شایان تقدیردر . هرکسک خرجی دکل بو . بوقدر سنه دئیری
وجودلرینی بواصر خیر اوغورینه حصر ایتشلر . بواصل مقدس
اوغورنده جانلرینی فدایه حاضر لانتشلر . (یکی عصر) غزته سی
نقل ایدر . بدایتدن نصل اولمش ، نصل باشلامش ، نه دورلر کچرمش ،

حکمت حقوق اسلامی

مجلس معارف ریشی. حقوق معلمین حیدر افندی مرحومک عیناً ضبط اولونان تقریرلریله ضبط و تحریر ایدنلرک تنبغات مخصوصه سندن تشکل ایدن شو اثرک پک چوق تشنه معرفت قبلرک آرزو و تمیلرینه رغماً بوکونه قدر ساحه انتشاره وضعنه موفقیت حاصل اوله مامشدی. واقعا تعمیم فائده سی مقصدیله برای استنساخ مراجعت ایدن ذواته تسهیلات مقتضیه ارائه اولونه رق تکثیر نسخه چاپلشمش ایسه ده بیکلرجه صحیفه دن متشکل بر اثرک استنساخنده کی صعوبت اصحاب جهد و غیرتی دوشوندورمش، لزوم طبعی حقنده کی توصیه لرک آردی آرقه سی آله مامشدی. حالوکه دور استبداده بویه مهم و شرعی بر اثرک طبعنه استحصال مساعده ایچون نه تحمیلکداز قیود و شروط موجود ایدی!.. لله الحمد آرتق صباح حریتی ادراک ایتدک، کافه موانع بر طرف اولدی. بنابرین بو اثر کزینک طبعنه مسارعت وجیهه دن کوروله رک بونسخه دن اعتباراً (صراط مستقیم) ده نشرینه باشلانلیدی. بو اثر عالینک وجوده کلشنه سمی و غیرت پیوران سلاتیک مکتب حقوقی معلمین عادل بک افندی حضرتلری، مرحوم مشارالیهک ترجمه حالیه بو اثر میزورک صورت جمع و تنظیمی حاکی اوله رق قلمه آلدقاری مقاله مخصوصه قریباً نشر اولونه جق در.

بسم الله الرحمن الرحيم

علم اصول فقهدن بتوفیقه تعالی تحریراً تنقیح و شفاهاً توضیح اولنه جق اشبو متن وجیز بر مقدمه، ایکی، مقصد و بر خاتمه یه ربط اولنه جقدر.

مقدمه

علم اصولک تعریف و موضوع و غایتی بیاننده در

علم اصول فقه. — احکام شرعیه یی ادله تفصیلیه سندن استنباطه کندولریله توصل اولنان قاعده لری تعریفه متکفل علمدر.

موضوعی: اثبات احکام حیثیتندن ادله در.

غایتی دخی: احکامی معرفت و موجبجه عمل اوزرینه احراز سعادتدر.

بز برقچ سنه در اصول فقه مذاکره ایدیورز. هر سنه کی تقریرلریمز بر برندن فرقلی در. فقط هپسی ینه بر آرایه واریور. تقریرلریمزک برازی ده مطبوعدر. یازدیره جغم متلری عیناً ضبط ایدرسکزه. تقریرلریمی ده ایستر حافظه کزه نقش ایدرسکزه، ایستر سه کز کاغذ لریکزه یازارسکزه.

بز درسی ممکن اولدینی قدر تنقیح ایدم بکزه. چونکه زمان مذاکره پک محدود اولدیندن اساساً پک مهم اولان درسیمزک مسائل و مباحث معروفه سی بیله وقت بولوبده بدتیره میورم. کچن سنه بتوفیقه تعالی مانعده اولدینی ایچون همان بتون مباحثی تقریره موفق اولمشدم. کرچه اصول فقه، ادله و احکام شرعیه نک احوالندن بحث ایدر بر علمدر. فقط بر کره ادله نه در؟ احکام نه در؟ بونلرک احوالی نه در؟ بونلره متعلق بر چوق مباحث وار. صوکر ا بوا حکامه ذیل اوله رق برده اجتهاد بحثی وار؛ که ذاتاً بو علم، مجتهد علمی در. ایشته کچن سنه کی تقریر، مفصلاتی جامع اولسه بیله، بو مباحثک اکثریسی شاملدر. انشاء الله بوسنده ممکن مرتبه تنقیح ایدرک بونلری کورورز.

« اصول فقه » حکمت حقوق اسلامیه دیکدر؛ احکام شرعیه نک ادله و اسبابی کوستر.

مقدمه: بر مقصده شروع اولنمزدن اول او مقصدک توقف ایتدیکی شیئه « مقدمه » دیرلر. یعنی مقدمه مقصده وصول ایچون ابتدا ذکر لازم کلان معلومات ابتدائیه در. شو حالده علم اصولک تعریفی بوعلمک مقاصندن اولیوب مبادی سندنبر. یعنی مقدمه بوعلمک حقیقتندن خارجدر. فقط بر علمک حقیقتنه لایقیله وصول ایچون بر طاقم شیلره احتیاجز واردرکه اونلرده بر علمک تعریفی، موضوعی، غایتی کی مقدمه دلدر.

هر بر علم مسائل کثیره یی، طاعینق بر چوق مباحثی شاملدر. بناء علیه بر علمک مسائل و مباحثی بر جهت وحدتله مربوط اولمی، او علمک طالبی اولان آدم بردن بره قراکلی بر یره کیرماک ایچون اول امرده او علم حقنده بر علم اجمالی حاصل ایتلیدر. بوده او علمک تعریفی، موضوعی، غایتی بیلکله حاصل اولور. آنک ایچون هر علمه بر مقدمه بولمیلدر.

مقدمه سوزی؛ عربلرک [مقدمه الجیش] تعیرندن آلمشدر. — شمدی بو مقدمه « آوجی بلوکی، طلیعه » استسمال اولنیور — مقدمه الجیش ابتدا دشمنک خطوط مدافعه سی کوریر، قوتی استکشاف ایدر، آلات و ادواتی تفتیش ایلر. دشمنک قوتی طارتمه دن، حالی آکلامه دن علی العمیا بر تهلکویه کیرمک فن حربیه مغایر در. بونلری اکلامق ایسه اسباب مظفریتندن در. ایشته کتب علیه ده کی مقدمه لر دخی بویه در. یعنی بر جهاد معنویک طلیعه سی در. بیلندک، مستحضر اولدق بر شیئه اتمام اولنه جق، بر بحر بی کران اولان علمه کیریله جک، بر مجاهده معنویه باشلایه جق. بونک ایچون ابتدا کیریله جک یرلری آکلامیلدر. دیک که مقدمه مسائل علوم اوزرینه هجوم ایدیله جک براردو منزله سنده در. اورایه سوق اولنه جق قوت ایسه اذهان طلبه در. بناء علیه اذهان طلبه اوله اورایه بر مفرزه بر مقدمه کوندرملیدر. بر آدم بر مملکته کیده جک بر علی العمیا کیتک وار، برده او کونله رک